

西湖志

地727.24

43.83

73123

部=120

			第
		卷	二
	卷	外	十
	四	紀	冊
後	十	一	
序	八	七	
	二		

第

卷

外

紀

卷

四

十

外

紀

後

序

二

八

七

一

冊

西湖志卷之四十七

外紀一

志西湖而及城市者本田志之以南北山分脉舉城闡勝蹟胥包絡於西湖之內也然坊衢廬井繡錯綺分總屬湖山之外衛網羅舊聞依史家內外篇例作外紀以別之志外紀

太平寰宇記隋廢錢塘郡置杭州楊素築州城周三十六里九十步唐因之咸淳臨安志唐昭宗景福二年蘇杭等州觀察使開國侯錢鏐發民夫二十萬及十

西湖志

卷四十七 外紀一

一

三都軍士新築羅城自秦望山由夾城東亘江干洎

錢塘湖霍山范浦周七十里城門十南曰龍山今在六和

塔東曰竹車在今望仙橋東南曰南土在今薦橋門外曰北土在舊菜市

門外曰寶德在今艮山門外無星橋北曰北關在今夾城巷口西曰涵水

西關在今雷峰塔下城中者曰朝天在今吳山下曰炭新門今在炭

橋東曰鹽橋在今舊鹽橋西鏐自為記蓋其時城垣南北展而

東西縮吳越建國鳳凰山下其子城南為通越門北

為雙門後唐同光二年鏐開慈雲嶺建西關城宇逮

倣納土後雙門猶存高宗紹興二年霖雨城壞二十

八年增築內城及東南之外城附於舊城為門十三

東曰便門曰候潮曰保安又名小堰門曰新門曰崇新俗呼

薦橋門曰東青俗呼菜市門曰艮山西曰錢湖曰清波俗呼暗門

曰豐豫舊名湧金門曰錢塘南曰嘉會北曰餘杭水門五

曰保安曰南水曰北水曰天宗曰餘杭成化杭州府

志元既取宋禁天下脩城以示一統而內外城日為

居民所平至正十六年張士誠據浙西五郡十九年

發松江嘉興湖州杭州民夫復築晝夜併工三月而

成周六千四百丈有奇高三丈厚視高加一丈而殺

西湖志

卷四十七 外紀一

於其上焉舊城包山距河故南北長時則自艮山門

至清泰門以東視舊則拓關三里而絡市河於內自

候潮門以西則縮入二里而截鳳山門於外故東西

比舊差廣門仍十有三東無便門保安二門北增天宗北新二門南嘉會門改和

寧貢尚書師泰為記二十六年十一月太祖命曹國

公朱文忠兵取杭州守將潘原明以全城內附遂因

之為省城門十東曰候潮曰永昌舊名新門俗呼草橋門曰清

泰舊名崇新門俗呼薦橋門又呼螺螄門曰慶春舊名東青門俗呼菜市門今又呼太平門

曰艮山俗呼壩子門西曰清波曰湧金舊名豐曰錢塘舊有

錢湖門今塞 按錢湖門舊址在鐵冶嶺 南曰鳳山

下介清波鳳山之間今居民猶仍舊名 舊名正陽門又北曰武林 舊名餘杭門今俗呼北關

有清平門今塞 北門 今塞 水門四在鳳山候潮艮山武林各門之旁

國朝順治七年巡撫蕭起元於城內更築營城以居駐

防八旗築自仁和之錢塘門迤邐至錢塘之湧金門

割邑之西壁及南壁之什九界其中東由監橋至結

縛橋南由結縛橋至丁絲巷西由丁絲巷至溜水橋

北由溜水橋至監橋為城高一丈九尺厚一度長一

千九百六十二度為五門各闊六尺康熙五年永昌

西湖志

卷四 外紀一

門毀總督趙廷臣重建改永昌曰望江

萬曆杭州府志

郡城自義和坊而東至橫街

即肅義坊街

其

南為鐵線巷為普安北巷為柴木巷為忠孝巷為茅

郎巷為南班巷為雙井巷為安福巷

已上屬錢塘

北為固

寧巷為興忠巷為平安巷為諸投巷為三聖廟巷 今

苑寺

為塔兒巷為皮市巷

北即福祐

為昇平巷

即馬市已上屬仁和

西湖遊覽志

普寧巷即柴木巷宋時有柴木場豐樂橋宋有豐樂樓酒肆其北有橋園亭宋時此地多樹

橋號橋園高宗幸建康於此登舟作亭臨河故稱橋園亭也亭傍有夏皇后宅十少保府其南為狗兒山

隱隱地中無可登涉

東有常惠井諸投巷相傳宋時行市各有分地而巷獨無禁厲南班巷宋時宗

室子列南班奉朝請者居之昇平巷內有上四眼井下四眼井

萬曆杭州府志

自壽安坊舊名冠巷俗呼官巷

而西至井亭橋其

南為二仙巷為神堂巷為八仙巷為蠟作巷為百子

圖巷

今塞為巡警舖為成娘娘巷已上屬錢塘

北為花市巷為馬

家營巷為新房廊巷為洪福小巷

已上屬仁和西湖遊覽志壽安坊俗

稱官巷又稱冠巷宋時謂之花市亦曰花園蓋汴京有壽安山山下多花園春時賞燕爭華競靡錦簇繡

圍移都後以花市比之故稱壽安坊二仙巷元時詩人張光弼居之八仙巷宋有八仙茶坊其時茶坊之

有名者曰八仙曰清樂曰珠子曰潘家曰連二曰連

三坊中插四時花卉名曰圖畫粧點店面所賣有七寶雷茶饊子葱茶或賣鹽豉湯暑天則賣雪泡梅花酒或縮脾飲之屬孟杓盞子皆以銀為之亦同酒肆

西湖志

卷四

外紀一

四

論一角二角黍樓多富室子弟諸司下直人等會聚習學樂器上教曲賺之類謂之掛牌兒人情成娘娘

巷宋時皇后無成姓亦無賜宅於花市者俗云神娘

娘巷豈訛而為成歟花市巷宋時作鬻花朵者居之

馬家營巷錢王屯軍之所仁和縣志新房廊巷其南對巷為百子圖巷宋建炎時醫官靳從謙扈駕南渡

高宗賞賚優渥出內府百子圖賜之仍賜第一區命所居之巷為百子圖巷

萬曆杭州府志入武林門折而東過中正橋而南至義

和壽安坊大街其東為豐積二倉橋街為天水橋街

為仁和倉橋街為軍頭司橋街為普寧坊今塞為清遠

橋街為貢院坊為安國橋坊俗呼此橋巷今呼仙靈巷為清寧坊

直達鹽橋菜市橋慶為新橋巷舊名新安坊今名千勝巷為戒民

春門舊名延定坊

坊通棚為武志坊通李博士橋直西為同德坊俗呼

巷為興賢坊今塞為興福巷又名打猪巷為寶極觀巷為淨

住巷為武林坊為觀巷舊名報恩坊為打磚巷為墨煤巷

今塞為保和坊即孩兒巷為純禮坊舊名後洋街為澄清坊

衆安橋北塊西為下瓦巷為混堂巷為棗木巷為十

官宅巷為睦親坊俗呼粥教坊為百福巷坊今名百福巷為保

信坊今塞為里仁坊為脩文坊為忠孝坊舊名崔家巷

西湖遊覽志中正橋俗稱斜橋自此而南至正陽門

為宋時御街長一萬三千五百尺舊鋪石板衡從三

西湖志 卷四 外紀 一 五

萬五千三百有奇咸淳七年安撫潛說友易其闕壞

者凡二萬幅然後經涂九軌砥平矢直至元時兩岸

山坊北自是題名綽楔並肩而立矣然杭城多火自

綽楔跨街而火益熾以木則易於燎延以石則人憚

崩摧莫敢向邇撲救古人旌別宅里之義恐不如是

懷遠坊俗稱軍頭司巷宋時有軍頭司在焉普寧坊

俗稱清遠橋巷其東宋有仁和縣丞廳又東有太社

太稷壇紹興十二年築以春秋二仲臘前一日祭其

禮視親皇祇之制壇之北有靈池雖旱不竭稍北有

天宗鹽庫酒庫市舶務過天水院橋有六部架閣淳

祐倉草料場貢院宋時在觀橋西新莊橋東元時在

祥符橋洪武初在今府學西即仁和學基也其後人

才寢盛又以嘉湖兩府來屬地狹不足以容席舍天

順三年徙觀橋之東乃仁和倉舊基也安國坊俗稱

北橋巷宋有文思院清寧坊東為度生橋俗稱鷺鴨

橋橋畔宋有春風樓謂之北酒庫戒民坊東通棚橋

宋為行刑地故號鬼門關又曰陰山道入巷過棚橋

宋時謂之棚樓粧點勾欄之所其對為中和樓乃銀

甕中庫元時平準庫在馬定民坊與戒民坊對俗稱
中棚巷舊有棚心寺佛牙塔雙井同德坊西為祥符
橋桐樹園新莊橋橋左右宋有貢院別試所大理寺
仁和縣仁和學豐儲倉軍器所東太乙宮萬壽觀元
真觀晨華觀千佛閣安福寺興賢坊以元時貢院得
名報恩坊俗稱觀巷有報恩光孝觀舊名開元宮清
泰四年錢王建其西宋有惠民西局御廚小營宋之
惠民局有五皆貯藥以待病者保和坊俗稱磚街巷
下瓦巷亦曰北瓦內有勾欄十三座棗木巷宋時范
成大所居其東為區擔嶺宋為沂王府十官宅巷宋
時有宋室之子十人居此故名弼教坊俗稱狗兒山
巷宋名睦親坊今有睦親井尚存有宗學在焉先是
宋分宗子為六宅宅各有學南渡後惟置睦親一宅
紹興四年始置諸王官大小學嘉定九年改學宮為
宗學凡系籍玉牒者無間親疎皆肄業焉三年一試
如太學法有明倫立教汲古等堂貴人立愛大雅明
賢懷德升聞等齋自此而西街之南為金鈎巷街之
北為新慶巷北通區擔嶺隱隱起伏蓋南山之盡脉

西湖志

卷四

外紀一

六

也保信坊俗稱剪刀股巷里仁坊宋稱陶家巷脩文
坊宋有將作監仁和縣志淨注巷一名清字街孩兒
巷舊時售泥孩兒者多在此

萬曆杭州府志入艮山門大街而南至錢塘界其西為

壩子橋街為豐積二倉橋街又名新橋街為慶春街東即慶春

門為瓦子南巷為渡船步巷為淳佑橋巷東為中正

巷為潮鳴寺巷為癸巷已上俱屬仁和其街東近城舊皆軍營菜圃空地今治平

日久生養繁息大半為軍民居矣

萬曆杭州府志入慶春門而西至清寧坊其南為新開

路舊麻柴巷今呼南營巷為菖蒲巷為菜市巷即普安街北口為瓦子

巷為保信巷為舊城基南路今名南城巷為肅義坊為福

佑巷即皮市北巷為上八界巷為清寧巷為西北巷即絲麻巷

為興忠北巷為七郎堂巷舊名嘉新坊今名祖廟巷為糴子巷北

為文東巷為清平街北通壩子橋為花斗巷為信善巷為

舊城基北路今名東青巷為柏枝巷為昇平坊今名忠清里入褚家

塘為青字營巷俗呼梓樹陳巷為下八界巷又名小福清巷為七寶

寺巷為小木巷今塞為大福清巷為木場巷為廣興巷

為醋坊巷已上俱屬仁和西湖遊覽志新開路舊名

瓦舊城基元時禁天下脩城故杭城日毀至正十九年張士誠據兩浙改築杭城自艮山門至清泰門展

西湖志

卷四七

外紀一

七

出三里而絡市河於內此其舊基也福祐巷西南有

荷花池紫瓊觀忠清里本名昇平巷東有樞密巷軒

轄巷宋有軒轄司威乙巷西有大東門轉南樓子營

鑿石巷大夾道巷小夾道巷梅東巷安眾巷內有青

字營錢王所立醋坊巷宋時有醋庫十二一在此一

在府街後一在菜市橋一在小新營一在棚北營一

在洋壩頭一在井亭橋一在朝天門一在三橋一在

龍舌頭一在范浦一在江漲務嘉靖仁和縣志七郎

萬曆杭州府志

自純禮坊而西至舊明慶寺前街其南

為井字樓巷通興慶坊北為孩兒巷又名永壽巷為山子巷又名

渡

巷

白澤廟巷為燈籠巷今塞為新營街已上俱屬仁和西湖遊覽志井字樓宋酒樓也
壘構如井故名

萬曆杭州府志自澄清坊而西沿河轉入興慶坊舊名前洋

街過按察司前抵城下其南為毛鐵巷為潘閣巷宋

逍遙居為大學街宋大學在此街故名為舊明慶寺前街宋名德化

坊即古木子巷為顯忠廟巷為火巷其街北為按察使街迤

東為馬坊街迤西為紀家橋街自司街而南至安福

橋折而東至八字橋河南為通寶坊河北為豐財坊

西湖遊覽志潘閣巷內有三官宅豐財坊宋有左藏庫先是韓蘄王有賜第二在新莊橋者獻於朝為景

西湖志 卷四十七 外紀一 八

靈宮在八字橋者獻以為左藏庫庫有東西受財賦之入以待邦國之經費東則幣帛純紬之屬西則金銀線券絲纒之屬統於太府寺宋時經費多糜於贍兵西蜀湖廣江淮之賦類歸四總領所以餉諸屯唯閩浙所輸歸之左藏而大軍取十之七宮禁百司之祿裁三之值有浩費則天子出中帑封樁以補所闕明初以其地賜蔡指揮今半為官署民居矣

萬曆杭州府志入錢塘門而東折南為字民坊為黑亭

子灣已上俱屬仁和西湖遊覽志錢塘門南為白龜池

萬曆杭州府志自井亭橋而北至結縛橋河下其西為

甘泉坊有相國井即六為鮑生薑巷在清和街西為清風

坊舊名活水為清和街癸辛街為上安和巷為下安

舊名活水

和巷其河東各巷俱直通大街

已上俱屬仁和西湖遊覽志過井亭橋而

西宋有俞家園在宋初皆荒池汚畝芟稻雜植行潦所歸故諺云俞家園一雨便撐船自為行都而閭閻輻輳遂成平原南有九官宅洪福橋之對宋有紫雲坊東有樞密五房院西有惠利井又名玉蓮池引湖水以入城者水口在舊玉蓮堂基北為楊和王府第鞞鼓橋之對宋有崇訓坊馬家橋之對宋有孝慈坊清風坊有莊文太子府癸辛街相傳楊和王建子第於府側取癸辛向其門巷曰癸辛街宋季有周密公謹居此所著有癸辛雜識齊東野語元時有省府廣濟庫洪武初賜為曹國公李文忠宅永樂間籍於官今為民居

謹按清和街與清河坊音同而字異西湖遊覽志云清和坊宋稱古清河坊欲以別於張循王第宅之所而不知近癸辛街者為清和街則在宋時原無兩清河坊也

西湖志

卷四七

外紀一

萬曆杭州府志入鳳山門而北過鎮海樓折而西又北

至清河坊西文錦坊義和壽安坊大街其東為雲錦

橋街

直通候潮門

為醋庫巷為安和橋街

通十二官宅街出候潮門為

集義巷為裕民坊為糞團巷為保信巷為清平坊為

興禮街

與西清河坊對

為灌肺巷為通和坊

進金波橋

為普濟巷

為保佑坊為五間樓巷

今塞

為東文錦坊

即洋頭

為平安

小巷為安平巷

今塞

為永清坊

舊名蘭陵坊俗呼水巷

為日新巷

北即義和坊

西為清平山巷為壽域巷

即白馬廟巷

為太廟巷

為保民坊

舊西天寺今為南院

為忠節坊為長慶坊

即忠慶坊俗呼石烏

龜為吳山坊內有大井即吳山第一泉也為清河坊宋張俊第宅在內故名直

通布政司都為融和巷俗呼高銀巷為太平坊坊口舊倒

官府為中子巷今為中瓦巷俗呼道院巷為甘澤坊為西

文錦坊舊名市西坊即洋壩頭為修義坊俗呼肉市巷為富樂坊為

最樂坊為教睦坊為積善坊為秀義坊北即壽安坊已上屬錢塘

西湖遊覽志鎮海樓舊名朝天門吳越王錢氏建規石為門上架危樓樓基疊石高四仞有四尺東西五十六步南北半之中為甬道橫架交梁承以藻井牙柱壁立三十有四東西閣門對闢名曰武臺平敞可容兵士百許武臺左右北轉登石級兩曲達於樓上樓之高六仞有四尺連基而會十有一仞貯鼓鐘以司漏刻元至正間平章康里慶童改為拱北樓洪武八年行省劉王兩參政者失其名改為來遠樓頃之

西湖志

卷四

外紀

十

參政徐本改為鎮海樓詹孟舉署扁其陰篆書吳山偉觀四字成化十年毀明年重建疊構三層闌楯周繞巨鐘鼗鼓左右懸架更嚴之夕鼓鑿角咽按箭行籌似落霄漢間規制弘遠矣趙子昂同慶童丞相上拱北樓詩云城上高樓接太霞令嚴鐘鼓寂無譁提疆內向三千里比屋同封百萬家心在江湖存魏闕身隨牛斗泛仙槎舉頭便覺長安近時倚欄干望印華楊仲弘詩云殷地鼓鼙迎日出倚天梁棟傍雲浮北瞻帝闕三千里南控臣藩二百州江海無波沉罔象旌旗垂野駐貔貅鸞迴麗榜多深意繡衮於今有魏牟高得暘詩天府東南第一州胥邱東起最高樓水分兩浙趨都會地接三吳控上游雲外鼓鼙嚴夜禁城中車蓋樂春游玉堂政暇新題扁彩筆飛光射斗牛雲錦橋宋稱六部橋宋有六部部各有尚書侍郎郎中員外郎又北為尚書省門下有樞密院義和坊東通安和橋有勝安倉即聖安寺故址至正間毀為軍器庫今為倉基集義巷宋時與玉牒所貴恕坊對東有預備倉通江橋東宋有都茶場雜買務權貨

務雄武營北為太醫局又東為保安門今塞北為鄉
義巷東為三皇倉舊為三皇廟布市巷宋時為買布
之所沙皮巷舊名清平坊宋時酒館也至今沽肆不
徹灌肺巷內有灌肺橋宋為珠子市通和坊東通金
波橋宋有花月樓又東為熙春樓南瓦子又南為抱
劍營漆器墻融和坊其西為太平坊巾子巷獅子巷
皆為瓦市各有等差酒客登門則有提瓶獻茗者謂
之點花茶登樓甫飲一杯則先與數貫謂之支酒然
後呼喚提賣趕趁祇應者亦皆紛至浮費頗多妓家
富者酒器沙鑼冰盆火箱粧盒之類悉以金銀為之
帳幔綉褥多用錦綺器玩珍奇他物稱是下此者亦
競尚鮮華自酒器首飾被臥衣服之屬各有賃者普
濟巷東為柳翠井寶佑坊南宋時有榮王府看街樓
五間樓在亭橋東與三元樓對宋時民間市樓之有
名者曰三元曰五間曰熙春曰賞心曰花月曰日新
其厨店分沽則有嚴厨翁厨任厨陳厨周厨沈厨鄭
厨康厨銀杓等店每樓各分小閣十餘器皆銀飾各
有私名妓數十輩凭檻招邀謂之賣客又有小鬟不

西湖志

卷四七

外紀

十一

呼自至歌吟強聒以求支分謂之擦坐有吹簫彈阮
息氣鑼板歌唱散耍等人謂之趕趁有老嫗以小爐
炷香為供者謂之香婆有以法製青皮杏仁半夏確
砂荳蔻小蠟茶香藥韻姜砌香椒攪薄荷至酒閣分
俵得錢謂之撒嚙有賣玉面狸鹿肉糟决明糟蟹糟
羊蹄酒蛤蜊柔魚鰕茸鱗乾者謂之家風有賣酒浸
江蟪章舉蠟肉龜脚鎖管密丁脆螺蟹醬法鰕子魚
鱸魚諸海味者謂之醒酒口味凡下酒羹湯任意索
喚雖十客各欲一味亦自不妨過賣鐺頭記念數十
百品傳唱如流即時供應酒未至則先設看菜數楮
及舉杯則又喚細菜如此屢易愈出愈奇歌管歡笑
之聲每夕達旦往往與朝天車馬相接雖暑雨風雪
不少減也賢福坊一名東文錦坊俗稱壩東巷舊傳
江潮至此有壩限之日新巷宋有日新樓仁孝坊俗
稱清平巷其時宋有登平坊壽域坊在白馬廟南西
通七寶山山側宋韓侂胄第第近太廟鑿石為園引
青衣泉注於閣古堂秀石環繞絕類香林冷泉之景
有桃坡十二級夜宴則殿巖用紅燈數百出於桃坡

之後以燭之其巖洞最勝者曰雲岫危峰隱石淺灣
深沼窈窕溇泓自比於洞天福地云長慶坊宋有都
奏進院即智果院舊基也其南為三執政府乃宰相
私第也內有四眼井清河坊與興禮坊對宋有張循
王俊賜第在馬俊封清河郡王故稱清河坊今改旬
宣街融和坊宋稱灌肺新街內有灌肺嶺巾子巷舊
名市南坊中瓦巷之南宋時有武林園通後市街文
錦坊至壽安坊為連二巷宋有連二茶坊脩義坊有
姜椒巷富樂坊俗稱賣馬巷內有狗兒嶺今夷為平
路最樂坊舊名眾樂坊俗稱虎跑巷後通大瓦子亦
曰上瓦宋時瓦子有名者十有三在城則南瓦中瓦
上瓦下瓦蒲橋瓦城外則便門瓦候潮門瓦小偃瓦
新門瓦薦橋瓦菜市瓦錢湖瓦赤山瓦舊瓦嘉惠瓦
新瓦良山瓦羊坊橋瓦王家橋瓦龍山瓦皆羣花所
聚蓋取聚則瓦合散則瓦解之義也教睦坊一名敦
睦巷其南宋有銀甕酒庫泰和樓宋時城中官酒有
八樓曰和樂曰和豐曰中和曰春風曰泰和曰西樓
曰太平曰豐樂皆屬戶部檢點所樓各有庫每庫祇

西湖志

卷四七

外紀一

十一

直數人官妓數十人飲酒登樓則以名牌點喚侑觴
謂之點花牌金銀器皿取自庫中往往學舍士夫所
據外人未易登也積善坊俗稱上百戲巷內有幢子
巷秀義坊俗稱下百戲巷錢塘縣志上百戲巷今名
百歲里冢宰黃機祖母蔡氏百歲有五因易名下百
戲巷今名東平廟巷內有東平忠靖上廟錢塘志鈔
平安小巷今稱三元坊巷明幾三百年鄉會殿試無
聯元者獨商文毅公得之敕建坊省城以為隆寵清
平山巷今稱高士坊巷石烏龜巷或云嘉靖間巷多
習騎射者一舉得十人故張其名曰十武魁巷焉

萬曆杭州府志

入候潮門而北至上下馬坡街接仁和

界其東為水門巷為烏盆場巷為楊店巷為東花園

巷為昇仙巷為慈雲寺巷為孔雀園巷

今塞為茉莉園

巷今塞西為大營巷為鄭公巷

即顧馬兒巷

為宮井巷為談

郎步巷為集義巷即施官兒巷為撫寧巷為獅子巷為高

麪巷為姚園寺巷即羔兒巷為大德街今塞為金剛寺巷為

暮園巷為橫街舊寨口巷已上俱屬錢塘西湖遊覽志東花園宋時此地多名

園高孝兩朝嘗幸東園閱市至今有孔雀園茉莉園等名高陽閣巷俗訛為羔羊巷內有慈雲寺巷口為

羊市廣福巷舊名寨口巷

萬曆杭州府志入永昌門而西至望仙橋其南為上馬

坡街為小竹竿巷為總寧巷為牛羊司巷又名武寧為袁

酒巷北為下馬坡巷為什物庫巷今塞為百花池上巷

舊訛為白花蛇散巷今木作居多皆呼為板兒巷為安和巷為馮院巷通斷河頭

西湖志

卷單

外紀一

十三

已上俱屬錢塘西湖遊覽志馬坡巷宋時稱馬婆巷

蓋其時在城外馬院近之教駒遊牝皆於此也故名

馬坡耳自東花園而南為上馬坡北抵清泰門大街

為下馬坡總寧巷俗稱竹椅巷武寧巷一名牛羊司

巷宋建牛羊司於此掌御膳牲及祭祀之牲有滌宮

在赤山保安巷俗稱水仙巷演教寺巷內有演教寺

什物庫巷宋時建什物庫於此板兒巷北有安樂園

馬院巷宋建馬院於此內有馬眼井錢塘志鈔小竹

竿巷仁和竹竿巷此名小竹竿巷蓋貨竹者聚居

於此武林細竹或作竹器或於園林夾植花卉皆取

此竹為

屏故名

萬曆杭州府志入清泰門而西至清泰橋轉南而西出

東文錦坊口其南為安肅坊為崇新巷為南場巷為

春熙巷為九曲巷為豐禾小巷為佑聖觀巷通武林驛為

打羊巷

今呼義井巷

為林木梳寧海巷為長慶巷

俗稱嚴馬官巷

為安平巷為集慶巷為鐵線上巷為賢福巷北為同

德坊為石板巷為北場巷為熙春巷為雙茶坊巷

今名

小為豐禾巷

宋有豐禾倉故名

為高橋巷為忠孝坊

舊名忠沙為

柴木普寧巷為普福巷為鐵線下巷

已上俱屬錢塘西湖遊覽志安

肅巷內有香餅園菩珠巷南場巷北對北場巷內有假髻堯九曲巷對小字巷義井巷俗稱四眼井咸淳

志云水宜染紫石板巷內有胡蘆堯輟耕錄杭州薦橋側首有高樓八間俗謂八間樓皆富實回回所居

錢塘志鈔忠孝坊內有于忠肅宅堂廡甚狹前有雙柏蒼翠撲人康熙間火災此堂巋然獨存今呼為忠

孝巷

西湖志

卷四七

外紀一

古

萬曆杭州府志入湧金門而東過三橋至西文錦坊口

其南為轉運河橋

俗名渡子又名迎春沿河而南即運司文廟前街

為永安

橋巷

原入北織染局今塞

為臺後橋街

在宋御史臺後因名今入織染局

為木

龍橋巷

在宋太常寺後因名今名會仙橋直南過華光廟布政司墻街

為後市街

望街

北為友助巷

今名曹花園巷

為何胡子巷

今名紙陳巷

為焦

雞巷

今名妙心寺巷

為六房巷

今名局張巷

為神堂巷為張司馬

巷為新開路平安巷

今塞

為石榴園巷

今灰團巷

為瓜壑巷

為大瓦巷為沈公井巷

已上俱屬錢塘西湖遊覽志惠遷橋一名金文橋其南宋

有金文酒庫內有羅漢洞壘石嶠欽塑羅漢於其下其里宋名善俗坊又南為太常寺昭勳崇德閣繪趙

普曹彬等二十四人從祀太廟者內有汲古泉又名觀音泉乃法慧寺舊井宋時有石刻云此泉清甘雖旱不竭故老相傳飲之有疾者愈宜愛護之嘉泰改元立石今歸布政使後市街宋時為柑子園有龍翔宮孟太后宅李皇后宅全皇后宅六眼井直南與吳山坊對先是宋時車駕朝饗景靈宮由御街過朝天門經中瓦前直下回則自洋壩頭橫入龍翔宮自太平坊出御街寶祐癸丑十二月大火遂從御街當中取大路直入中瓦之右以為武林園其左以為皇子忠王望湖樓其時旅邸有題壁云龍翔宮闕壯皇都鑾路縈迴枉德車天意也知明主意故教劫火闢通衢友助巷北通洗布園六房巷與臺後橋對舊有如意橋北為帳前營大瓦巷北通寶康巷元時詩婦朱淑真居此

萬曆杭州府志入清波門而東至龍舌嘴口其南為嚴

官兒巷為蔡官兒巷為陸官兒巷為塔兒頭街為菜

西湖志 卷四十七 外紀一 十五

市頭巷今塞為鐵冶嶺街為郭婆井巷為金剛嶺巷為

羅師山巷為聯桂坊舊名周官宅巷元至元中坊內有兄弟二人善才善慶並登右

榜進士第故名為羅師巷北為四條巷為石板巷即水溝巷為關

王廟巷今塞為昇平巷即道院巷已上俱屬錢塘西湖遊覽志龍舌嘴蓋當寶月蛾眉

兩山之際蜿蜒而來若龍舌之吐者天井坊在布政司右舊名羅師山一名狗兒山上通烏龍潭鐵冶嶺

宋名豐寧坊街左仁靜巷宋有景獻太子府嶺下有相公井紹興間節度使趙密所浚勝祖巷直北為荷

花池杭州府志嚴官兒巷蔡官兒巷陸官兒巷明初有軍功者居此

萬曆杭州府志自清河坊而西至府治流福坊口其南

為八作司巷古康裕坊為大隱坊宋徽宗朝處士徐奭居此故名為小仙

巷為安榮坊俗呼管米山為懷慶巷舊為坊即龍舌嘴為昇平巷

為石板巷安阜坊府治前北為南新街即忠肅于公里為清望

街舊為新街今名後市街為德化坊坊內舊為仁和衛今塞為十三灣巷

分東中為泰和坊俗呼糯米倉巷今為華光廟巷為興賢坊文廟街南口

為荷花池街府治西已上俱屬錢塘西湖遊覽志天

對山有天井流福坊在府西水口透城外引湖水從

西而東經府前至文明坊折而北過戒子橋定安橋

凌雲橋福寧橋轉運橋合湧金池之水今水口雖淤

而條脉猶可考也八作司巷宋有御史臺仁美坊俗稱石板巷宋時有三通判衙又東為水溝巷安阜坊

南有淨因塔俗稱塔兒頭錢塘志鈔小仙巷吳偉字須翁號小仙江夏人工畫山水人物卜築於此

西湖志

卷四七

外紀一

六

萬曆杭州府志自興禮坊而東至舊達達城上路其南

為沙毘巷為布市巷舊寶梵寺街為百歲坊為夾牆巷北

為熙春橋巷為清冷橋巷為鍾公橋街為佑聖觀街

通涼堂基路已上俱屬錢塘西湖遊覽志夾牆巷宋

時德壽宮外委巷也熙春橋宋有熙春樓南瓦子清

冷橋北通漆器墻鍾公橋通上下抱劍營本名寶劍

營錢王屯軍之所佑聖觀街北為市船司東為武林

驛西為錢塘學水亭子

萬曆杭州府志自井亭橋而南河下其東為幢子巷即茅

花巷為施水橋街為桐木巷為將軍橋街為張司馬巷

為三橋街東通西文錦坊西至湧金門為普濟橋街布政司墻東即河盡處橋

上有華光廟街東舊有徐府今為旗纛廟前門為侍郎橋街接旗纛廟西門今塞西為

欽善坊舊聞善子巷俗呼聞扇子為方家巷今呼馬家巷舊入盧太監宅為畏

吾兒寺前為油車巷俗呼剪刀巷入織染局前已上俱屬錢塘西湖遊覽志靈壽坊

前宋有韓樞密府油車巷西宋有百度牒軍錢塘縣志畏吾兒寺畏吾平章建故名

萬曆杭州府志運司河下自北而南至關兒頭文明牌

今興其東為福寧橋街又名育材坊南入運司出興賢坊西府治前西為

桑園巷今入轉運司為文廟街為府東巷今為仁和縣學前路已上俱屬

錢塘西湖遊覽志文明坊即中和坊亦名淨因坊兒頭從此而北宋為樓店務又北元為燒鈔庫今為

黃冊庫又北宋有慈幼局施藥局

西湖志

卷四七 外紀一

萬曆杭州府志出武林門外至北抵北新關橋其東為

永清巷通陸家場為清湖閘巷通陸家場為上關門巷為下關

門巷為枯樹灣巷通石壩為夾城巷通東新路為左家橋

巷通黑橋為寶慶巷通新馬頭落西為霍山坊又名混堂橋巷

通松木場為米市巷通新河壩為餘塘巷通望佛橋為大夫坊巷通接

待為草營巷通觀音關為信義巷在五界廟東為賈為巷

通雜路已上東屬仁和西屬錢塘

萬曆杭州府志出鳳山門外過萬松嶺至南抵嘉會門

其東為柳翠巷為興元街即炭橋河直南為海鮮巷為尊勝

巷為車子巷為青果團街東抵南西為萬松書院嶺

街通清波門南山進路為勝果街為後小街通松林已上

萬曆杭州府志嘉會門至南抵排柵門街其東為清淨

巷對山為船料巷為槐花巷西為馬倉巷為馬苑巷

已上俱屬錢塘

萬曆杭州府志排柵門即沿江裏街至南抵浙江驛其

東為普寧巷為道林巷為大巷通化仙為混堂巷為

小橋街西為江公墓巷上南為鴻雁池街為車馬門

巷為玉簪巷為末香巷為湯公巷通天真為鍾公巷

西湖志

卷四七外紀一

六

為擔水巷其街西即松林已上俱屬錢塘

萬曆杭州府志出候潮門外大街至南抵牛皮街龍山

閘沿江塘路為仁和接界其東為畢家巷為仙芝巷

為期清坊為舊便門街亦名太平坊為信義坊為鐵箭巷

為顏樓巷西為新街通鳳為炭橋巷通興為南新橋

街橋西即青果團為末香巷已上俱屬仁和鐵箭顏樓二巷為仁錢交界

萬曆杭州府志候潮門外由東過濟川橋南接兵馬司

直西官河一帶跨浦橋分路其東為大郎巷通沙為

麻秋巷通沙為跨浦橋街為猪團街為養團街為兵

馬司街為龍舌觜

跨浦橋街為仁錢交界其北屬仁和南屬錢塘

萬曆杭州府志出永昌門外木場街而東抵映江樓其

南為保安巷

通永昌壩

為新安巷為教場巷

通羅木營

為節婦

牌巷北為木場巷

通四板橋

為真如巷為陳鐵巷為駱家

跳塘

西湖遊覽志杭城有兩打繩巷一在都亭驛前一在候

潮門外有兩石板巷一在臨安府前一在柴木巷中

有兩龍舌觜一在臨安府前一在江下養園有兩櫻

桃園一在七寶山一在薦橋門外

西湖志

卷四七

外紀一

九

西湖遊覽志杭地屬吳屬越諸家為說不同以為屬吳

者淳祐志引吳越春秋所載越王句踐入臣於吳羣

臣送至浙江臨水祖道又載吳王夫差為越所敗而

走止秦餘杭山又史記楚威王伐越盡取故吳地至

浙江遂謂吳越必以浙江為分界以為屬越者杜佑

通典歐陽志輿地廣記皆云春秋時屬越越敗屬吳

東陽王象之本其說謂錢塘舊為越自夫差敗越地

始入吳雖皆知為越地而未知分界所在惟太平寰

宇記引吳地記云越國西北界至禦兒即檣李本嘉

興府崇德縣有禦兒鄉有水名語水語與禦通則是吳越以禦兒爲分界二說各有所據今考之當以後說爲是春秋魯定公十四年五月於越敗吳於檣李杜預注云嘉興縣南檣李城又史記世家闔閭十九年伐越句踐迎擊之檣李賈逵注云檣李越地據此則檣李以南爲越境杭在其中矣此杭爲越地一也吳越春秋句踐旣臣於吳夫差賜之書增其封東至句甬西至檣李南至姑末北至平原越絕書作武原今海鹽是也縱橫八百餘里且謂越本興國千里吾

雖封之未盡其國則是所封之地皆越故疆又越絕書越地記云語兒鄉故越界本名就李即檣李吳疆越地以爲戰地至柴辟亭吳地記云柴辟亭到語兒就李吳侵以爲戰地則吳越疆界尤極分明此杭爲越地二也若淳祐志所引皆有可辨者其一爲越羣臣祖句踐於浙江遂謂吳越以浙江爲界殊不知是時句踐方保栖會稽之山浙江以西皆爲吳有宜其祖道止於江濱也其一爲夫差走餘杭山則謂餘杭在吳境內殊不知吳自有秦餘杭山姑蘇志云陽山

又名秦餘杭山在長洲西北三十里夫差栖於此死
因葬焉至今號夫差墓又越絕書吳地記云秦餘杭
山去毘陵縣五十里近太湖今餘杭去長洲太湖遠
甚豈可以名之偶同強合爲一旦越在東南吳在西
北吳王不西北走蘇常而反東南走餘杭必無此理
其一謂楚伐越盡取故吳地至浙江而浙江之西乃
吳地殊不知此句自有兩義所謂故吳地者言越故
取於吳者也所謂至浙江者言併越原有之地而盡
取之也豈可槩以爲故吳地乎皇極經世以其辭不

西湖志

卷四

外紀一

三

別白故於楚滅越盡取其地之下書曰東開地至浙
江則是浙江以西本非吳境乃楚因越地而開者也
合是二說則郡志之誤可以渙然無疑矣

西湖遊覽志杭州之名相傳神禹治水會諸侯於會稽
至此舍杭登陸因名禹杭至少康封庶子無餘於越
以主禹祀又名餘杭秦置餘杭縣隋置杭州竊謂當
神禹治水時吳越之區皆懷山襄陵之勢縱有平陸
非浮橋緣延不可徑渡不得於此顧云舍杭登陸也
說文杭者方舟也方舟者並舟也禮大夫方舟士特

舟所謂方舟殆今浮橋是也蓋神禹至此溪壑縈迴造杭以渡越人思之且傳其制遂名禹杭耳

兩湖塵談杭瀕江爲郡而江潮爲患最大嘗考之古其築堤或以竹籠石或實以薪土然潮之所齧數歲輒壞勞費不資雖錢氏建國力爲修築然其立法亦立木積石以捍之而已若築石堤則是宋郎中張夏始東坡曰江堤自古用木岸張夏始易爲石堤是已按景祐中工部郎中張夏爲轉運使置捍江兵採石爲堤郡人德之爲立祠後嘉祐六年十月辛巳贈夏太

西湖志

卷四七

外紀一

三

常少卿今瀕江有祠土人呼張司封廟其遺址也禮所謂有功德於民則祀之能禦大災捍大患則祀之者非耶

武林舊事浙江之潮天下偉觀也自旣望以至十八日爲最盛方其遠出海門僅如銀線旣而漸近至玉城雪嶺際天而來大聲如雷霆震撼激射吞天沃日勢極雄豪楊誠齋詩云海湧銀爲郭江橫玉繫腰者是也每歲京尹出浙江亭數閱水軍艨艟數百分列兩岸旣而盡奔騰分合五陣之勢并有乘騎弄旗標槍

舞刀於水面者如履平地倏而黃煙四起人物畧不相睹水爆轟震聲如崩山煙消波靜則一舸無迹僅有敵船爲火所焚隨波而逝吳兒善泅者數百皆披髮文身手持十幅大綵旗爭先鼓勇泝迎而上出沒於鯨波萬仞中騰身百變而旗尾略不沾濕以此誇能而豪民貴宦爭賞銀綵江干上下十餘里間珠翠羅綺溢目車馬塞途飲食百物皆倍穹常時而儼賃看幕雖席地不容間也禁中例觀潮於天開圖畫高臺下瞰如在指掌都民遙瞻黃繖雉扇於九霄之上

西湖志

卷四七

外紀一

三

真若蕭臺蓬島也

夢梁錄杭人有一等無賴不惜性命之徒以大綵旗或小清涼傘紅綠小傘兒各繫色繡段子滿竿伺潮出海門百十爲羣執旗泅水上以迓子胥弄潮之戲或有手脚執五小旗浮潮頭而戲弄向於治平年間郡守蔡端明內翰見其徃徃有沉沒者作戒約弄潮文云斗牛之外吳越之中唯江湖之最雄乘秋風而益怒乃其習俗於此觀遊厥有善泅之徒競作弄潮之戲以父母所生之遺體投龍魚不測之深淵自謂矜

誇時或沉溺精魄永淪於泉下妻孥望哭於水濱生
也有涯盡終於天命死而不弔重棄於人倫推予不
忍之心伸爾無家之戒所有今年觀潮並依常例其
軍人百姓輒敢弄潮必行罰科自後官府禁止然亦
不能遏也

錢塘縣志錢塘江在縣東南本名浙江虞喜云潮水投
山下折而曲一云江有反濤水勢折歸盧肇曰浙者
折也潮出海曲折而倒流也一名浙河山海經禹治
水至於浙河又名漸江水經漸江水北過餘杭東入

西湖志

卷四七

外紀一

五

於海又名曲江枚乘七發觀濤於廣陵之曲江又名
羅刹江因江心有羅刹石風濤至此極險又名錢塘
江因縣得名也屬錢塘疆者凡五十里郡城外以龍
山東南與仁和分界西南直上至廟山與富陽分界
中流與蕭山分界沿江有浙江渡龍山渡鮎魚口一
折二折三折諸名

西湖遊覽志杭之為郡枕帶江海遠引甌閩近控吳越
商賈之所輻輳舟航之所駢集則浙江為要津焉而
其行止之淹速無不畢聽潮汐者或違其大小之信

爽其緩急之宜則必至於傾墊底滯故不可以不之
謹也考之郡志得四時潮候圖簡明可信故爲之說
而刻石於浙江亭之壁間使凡行李之過此者皆得
而觀之其潮晝夜再上杭人有爲詩括之者曰午未
未未申寅卯卯辰巳巳午午朔望一般輪此晝
候也初一日午未初二日未初十六日如初一夜候
則六時對衝子午丑未之類此亦其大槩耳其交澤
起水大小之度則四時不同春三月初一日十六日
午未大夜子正初二日十七日午初大夜子未初三

西湖志

卷四

外紀一

三五

日十八日未正大夜丑初初四日十九日未未大夜
丑未初五日二十日申正下岸夜寅初初六日二十
一日寅未漸小晚申未初七日二十二日卯初漸小
晚酉初初八日二十三日卯未漸小晚酉正初九日
二十四日辰初小晚酉末初十日二十五日辰末交
澤晚戌正十一日二十六日巳初起水夜戌末十二
日二十七日巳正漸大夜亥初十三日二十八日巳
未漸大夜亥正十四日二十九日午初漸大夜亥末
十五日三十日午正極大夜子初秋與春同夏初一

日十六日午未大夜子正初二日十七日未初大夜
子未初三日十八日未正大夜丑初初四日十九日
未未大夜丑正初五日二十日申初下岸夜丑未初
六日二十一日寅初小晚申正初七日二十二日寅
未小晚申未初八日二十三日卯初小晚酉初初九
日二十四日卯未小晚酉正初十日二十五日辰初
交澤晚酉未十一日二十六日辰未起水夜戌初十
二日二十七日巳初漸大夜戌未十三日二十八日
巳未漸大夜亥初十四日二十九日午初漸大夜亥

西湖志

卷四

外紀一

三

未十五日三十日午未大夜子初冬初一日十六日
午未大夜子初初二日十七日未正大夜子未初三
日十八日未未大夜丑初初四日十九日申初大夜
丑未初五日二十日申正下岸夜寅初初六日二十
一日寅未漸小晚申未初七日二十二日卯初小晚
酉初初八日二十三日卯未小晚酉正初九日二十
四日辰初小晚酉未初十日二十五日辰未交澤夜
戌初十一日二十六日巳初起水夜戌未十二日二
十七日巳正漸大夜戌未十三日二十八日巳未漸

大夜亥初十四日二十九日午初漸大夜亥正十五日三十日午正漸大夜亥末

西湖遊覽志正月朔日官府望闕遙賀禮畢即盛服詣衙門往來交慶民間則設奠於祠堂次拜家長爲椒柏之酒以待親戚鄰里以春餅爲上供熟粟炭於堂中謂之旺相貼青龍於左壁謂之行春插芝蔴梗於簷頭謂之節節高簽柏枝於柿餅以大橘承之謂之一百事大吉自此少年游冶翩翩徵逐隨意所之演習歌吹舞棍踢球說唱平話無論晝夜謂之放魂至十

西湖志

卷四十七 外紀一

二十七

八日收燈然後學子攻書工人返肆農商各執其業謂之收魂立春之儀附郭兩縣輪年遞辦仁和縣於仙林寺錢塘縣於靈芝寺前期十日縣官督委坊甲整辦什物選集優人小妓裝扮社夥如昭君出塞學士登瀛張仙打彈西施採蓮之類種種變態競巧爭華教習數日謂之演春至日郡守率僚屬往迎前列社夥殿以春牛士女縱觀闐塞市街競以麻麥米荳拋打春牛其優人之长假以官帶騎驢叫躍以隸卒圍從謂之街道士過官府豪門各有贊揚致語以獻

利市遇襪褸猥漢衝其節級則撻而杖之亦有謔浪
判語不敢與較至府中舉燕鞭牛而碎之隨以綵鞭
土牛分送上官鄉達而民間婦女各以春幡春勝鏤
金簇綵爲燕蝶之屬問遺親戚綴之釵頭舉酒則縷
切粉皮雜以七種生菜供奉筵間蓋古人辛盤之遺
意也正月十五日爲上元節前後張燈五夜相傳宋
時止三夜錢王納土獻錢買漆兩夜先是臘後春前
壽安坊而下至衆安橋謂之燈市出售各色花燈其
像生人物則有老子美人鍾馗捉鬼月明度妓劉海

戲蟾之屬花草則有梔子葡萄楊梅柿橘之屬禽蟲
則有鹿鶴魚蝦走馬之屬其奇巧則琉璃毬雲母屏
水晶簾萬眼羅玻璃瓶之屬而豪家富室則有料絲
魚鮫綵珠明角鏤畫羊皮流蘇寶帶品目殊難枚舉
好事者或爲藏頭詩句任人商揣謂之猜燈或祭賽
神廟則有社夥鼇山臺閣戲劇滾燈煙火無論通衢
委巷星布珠懸皎如白日喧闐徹旦市食則糖粽粉
團荷梗字婁瓜子諸品果蓏燐燈交易識辨銀錢真
僞纖毫莫欺人家婦女則召帚姑針姑葦姑筭箕姑

以下問一歲吉凶鄉間則有祈蠶之祭俗子以上元

為天官賜福之辰亦有誦經持齋不御葷酒者劉邦彥上

元五夜觀燈詩十三夜喜近元宵雪更晴千門翠竹

結高棚珠簾半捲將圓月玉指初調未合笙新放花

燈連九陌舊傳金鑰啓重城少年結伴遊嬉去遮莫

雞聲下五更十四夜燈光漸比夜來饒人海魚龍混

暮潮月照梅花青鎖闥煙籠楊柳赤闌橋鈿車過去

拋珠果寶騎從來聽玉簫共約更深歸及早大家明

日看通宵十五夜一派春聲送管弦九衢燈燭上薰

天風回鰲背星球亂雲散魚鱗璧月圓逐隊馬翻塵

似海踏歌人盼夜如年歸遲不屬金吾禁尋覓遺簪

與墜鈿十六夜次第看燈俗舊傳寶箏重按十三絃

人心未必今宵絕免魄還如昨夜圓尚覺繁華歸樂

土何須廣樂聽鈞天追歡獨羨兒童健靜對梅花憶

往年十七夜繡簾窳地護輕寒明月來遲鳳蠟殘風

掃煙花春爛漫雲沉星斗夜闌珊醉敲馬鞞還家去

西湖志

卷四

外紀一

三

誰抱龍香隔院彈試看燒燈如白日鰲山無影海漫漫二月朔日唐宋時謂之

中和節今雖不舉而民間猶以青囊盛五穀瓜果之

種相遺謂之獻生子自是城中士女已有出郭探青

掃墓設奠者湖中游舫倩價日增矣二日士女皆戴

蓬葉諺云蓬開先日草戴了春不老春日婦女喜為

鬪草之戲黃子常綺羅香詞綺帕藏春羅裙點露相

摘遍綠逕煙霏悄攀下畫闌紅紫掃花堦禱展芙蓉

瑤臺十二降仙子芳園清晝乍永亭上吟吟笑語妬

穠誇麗奪取籌多贏得玉璫瑜珥凝素靨香粉添嬌

映黛眉淡黃生喜縮胸帶空繫宜男情郎歸也未

二月十五日為花朝節蓋花朝月夕世俗恒言二八

兩月爲春秋之中故以二月半爲花朝八月半爲月
夕也是日宋時有撲蝶之戲今雖不舉而寺院啟湏
槃會談孔雀經拈香者麝至猶其遺俗也十九日上
天竺建觀音會傾城士女皆往其時馬塍園丁競以
名花荷擔叫鬻音中律呂黃子常賣花聲詞人過天
街曉色擔頭紅紫滿筠筐
浮花浪蕊畫樓睡醒正眼橫秋水聽新腔一回催起
吟紅叫白報得蜂兒知未隔東西餘音軟美迎門爭
買早斜簪雲髻助春嬌粉香簾底喬夢符和詞侵曉
園丁叫道嫩紅嬌紫巧工夫攢枝短蕊行歌佇立灑
洗粧新水捲香風看街簾起深深巷陌有個重門開
未忽驚他尋春夢美穿牕透閣便憑伊喚取惜花人
在誰

眼底三月三日俗傳爲北極佑聖真君生辰佑聖觀

西湖志

卷四

外紀一

三

中修崇醮事士女拈香亦有就家啟醮酌水獻花者
是日觀中有雀竿之戲其法樹長竿於庭高可三丈
一人攀緣而上舞蹈其顛盤旋上下有鷄子翻身金
雞獨立鍾馗抹額玉兔搗藥之類變態多方觀者目
瞪神驚汗流浹背而爲此技者如蝶拍鴉翻遽遽然
自若也是日男女皆戴薺花諺云三春戴薺花桃李
羞繁華清明從冬至數至一百五日即其節也前兩
日謂之寒食人家插柳滿簷青藉可愛男女亦成帶
之諺云清明不帶柳紅顏成皓首是日傾城上塚南

北兩山之間車馬闐集而酒尊食壘山家村店享餽
遨遊或張幕藉草並舫隨波日暮忘返蘇堤一帶桃
柳陰濃紅翠間錯走索驃騎飛錢拋鉞踢木撒沙吞
刀吐火躍圈劬斗舞盤及諸色禽蟲之戲紛然叢集
而外方優妓歌吹覓錢者水陸有之接踵承應又有
買賣趕趁香茶細菓酒中所需而綵粧傀儡蓮船戰
馬錫笙鼗鼓瑣碎戲具以誘悅童曹者在在成市是
夜人家貼清明嫁九娘一去不還鄉之句於楹壁間
謂如此則夏月無青蟲撲燈之擾僧道採楊桐葉染

飯謂之青精飯以饋施主三月二十八日俗傳爲東
嶽齊天聖帝生辰杭州行宮凡五處而在吳山上者
最盛士女答賽拈香或奠獻花果或誦經上壽或枷
鎖伏罪鐘鼓法音喧振竟日立夏之日人家各烹新
茶配以諸色細果餽送親戚比鄰謂之七家茶富室
競侈果皆雕刻飾以金箔而香湯名目若茉莉林禽
薔薇桂蕊丁檀蘇杏盛以哥汝瓷甌僅供一啜而已
四月八日俗傳爲釋迦佛生辰僧尼各建龍華會以
小盆坐佛浸以糖水覆以花亭饒鼓迎往富家以小

杓澆佛提唱偈喝布施財物端午爲天中節人家包黍秫以爲粽束以五色綵絲或以菖蒲通草雕刻天師馭虎像於盤中圍以五色蒲絲剪皮金爲百蟲之像鋪其上或以葵榴艾葉攢簇華麗或以綵絨雜金線纏結經筒符袋互相饋遺僧道以經筒輪子辟惡靈符分送檀越而醫家亦以香囊雄黃烏髮油香送於常所往來者家家買葵榴蒲艾植之堂中標以五色花紙貼畫虎蝎或天師之像或硃書五月五日天中節赤口白舌盡消滅之句揭之楹間或採百草以

製藥品覓蝦蟆以取蟾酥書儀方二字倒貼於楹以辟蛇虺六月六日宋時作會於顯應觀因以避暑今會廢而觀亦不存自是遊湖者多於夜間停泊湖心飲月達旦而市中敲銅盞賣冰雪者鏗聒遠近是日郡人昇猫狗浴之河中致有汨沒淤泥踉蹌就斃者其取義竟不可曉也立秋之日男女咸戴楸葉以應時序或以石楠紅葉剪刻花瓣插鬢邊或以秋水吞赤小豆七粒七夕人家盛設瓜果酒殽於庭心或樓臺之上談牛女渡河事婦女對月穿針謂之乞巧或

以小盒盛蜘蛛次早觀其結網疎密以為得巧多寡
市中以土木雕塑孩兒衣以綵服而賣之號為摩睺
羅七月十五日為中元節俗傳地官赦罪之辰人家
多持齋誦經薦奠祖考攝孤判斛屠門罷市僧家建
盂蘭盆會放燈西湖及塔上河中謂之照冥官府亦
祭郡厲邑厲壇張雨西湖放燈詩共泛蘭舟燈火鬧
不知風露濕青冥如今池底休鋪錦
此夕槎頭直掛星爛若金蓮分夜炬空於雲母隔秋
屏却憐牛渚清狂甚苦欲燃犀走百靈劉英前題金
蓮萬朶漾中流疑是潘妃夜出遊光射魚龍離窟宅
影搖鴻鴈亂汀洲凌波未必通銀浦趁月偏憐近綵
舟忽憶少年清泛處八月十五日謂之中秋民間以
滿身風露獨凭樓

西湖志

卷四七

外紀一

三

月餅相遺取團圓義是夕人家有賞月之燕或攜榼
湖船沿遊徹曉蘇堤之上聯袂踏歌無異白日郡人
觀潮自八月十一日為始至十八日最盛蓋因宋時
以是日教閱水軍故傾城往看至今猶以十八日為
名非謂江潮特大於是日也是日郡守以牲醴致祭
於潮神而郡人士女雲集僦倩幕次羅綺塞塗上下
十餘里間地無寸隙伺潮上海門則泗兒數十執綵
旗樹畫傘踏浪翻濤騰躍百變以誇材能豪民富客
爭賞財物其時優人百戲擊毬關撲魚鼓彈詞聲音

鼎沸蓋人但藉看潮為名往往隨意酣樂耳

瞿宗吉看潮詩

嘉會門邊翠柳垂海鮮橋上赤欄欹行人指點山前
石曾刻先朝御製詩出郭游人不待招相逢都道看
江潮今年秋暑何曾減映日爭將畫扇搖一線初看
出海遲司封祠下立多時須臾金鼓連天震忙殺中
流踏浪兒壚頭酒美勸人嘗紫蟹初肥綠橘香店婦
也知非俗客奚奴背上有詩囊沙河塘上路岐賒扶
醉歸來日已斜恠底香風來不斷擔頭插得木樨花
步入重門小院偏金猊飛裊夜香煙家人笑問歸何
晚已備中重九日人家糜粟粉和糯米伴蜜蒸糕鋪
秋賞月筵

以肉縷標以綵旗問遺親戚其登高飲燕者必簪菊
泛萸猶古人之遺俗也又以蘇子微漬梅酒雜和蔗
霜梨橙石榴小顆名曰春蘭秋菊霜降之日帥府致

西湖志

卷第七 外紀一

三

祭旗纛之神因而張列軍器以金鼓導之遶街迎賽
謂之揚兵旗幟刀戟弓矢斧鉞盔甲之屬種種精明
有鬪騎數十飛轡往來逞弄解數如雙燕綽水二鬼
爭環隔肚穿針枯松倒挂魁星踢斗夜叉探海八蠻
進寶四女呈妖六臂哪吒二仙傳道圮橋進履玉女
穿梭擔水救火踏梯望月之屬窮態極變難以殫名
騰躍上下不離鞍鞚之間猶猥獠之寄木也十月朔
日人家祭奠於祖考或有舉掃松澆墓之禮者八日
則以白米和胡桃榛松乳菌棗栗之類作粥謂之臈

八粥十五日爲下元節俗傳水官解厄之辰亦有持齋誦經者立冬日以各色草香及菊花金銀花煎湯沐浴謂之掃疥冬至謂之亞歲官府民間各相慶賀一如元日之儀吳中最盛故有肥冬瘦年之說春粢糕以祀先祖婦女獻鞋襪於尊長亦古人履長之義也十二月二十四日謂之交年民間祀竈以膠牙餈糯米花糖豆糖團爲獻丐者塗抹變形裝成鬼判叫跳驅儼索乞利物人家換桃符門神春帖鍾馗福祿虎頭和合諸圖粘貼房壁買蒼术貫衆辟瘟丹柏枝

綵花以爲除夕之用自此街坊簫鼓之聲鏗鉤不絕矣僧道作交年疏仙术湯以送檀越醫人亦餽屠蘇袋同心結及諸品湯劑於常所往來者除夕人家祀先及百神架松柴齊屋舉火焚之謂之糝盆煙焰燭天爛如霞布爆竹鼓吹之聲遠近聒耳家庭舉燕則長幼咸集兒女終夜博戲藏鈎謂之守歲燃燈床下謂之照虛耗以赤小豆作粥雖猫犬亦食之更深夜靜或有禱竈諸方抱鏡出門窺聽市人無意之言以卜來歲休咎是日官府封印不復僉押至新正三日

始開而諸行亦皆罷市往來邀飲杭人不論貧富俱競市什物以慶嘉節而光飾門戶塗澤婦女衣服釵環之屬更造一新皆故都遺俗也

乾淳歲時記燈品至多蘇福為冠新安晚出精妙絕倫所謂無骨燈者其法用絹囊貯粟為胎因之燒綴及成去粟則混然琉璃球也景物奇巧前無其比又為大屏灌水轉機百物活動趙忠惠守吳日嘗命製春雨堂五大間左為汴京御樓右為武林燈市歌舞雜藝纖悉曲盡凡用千工外此有鮎燈則侈鏤犀珀玳瑁以飾之珠子燈則以五色珠為網下垂流蘇或為龍船鳳輦樓臺故事羊皮燈則鏤鏤精巧五色粧染如影戲之法羅帛燈之類尤多或為百花或細眼間以紅白號萬眼羅者此種最奇外此有五色蠟紙菩提葉若沙戲影燈馬騎人物旋轉如飛又有深閨巧娃剪紙而成尤為精妙又有絹燈剪寫詩詞時寓譏笑及畫人物藏頭隱語及舊京諠語戲弄行人有貴邸嘗出新意以細竹絲為之加以綵飾疎明可愛穆陵喜之今製百盞期限既迫勢難卒成而內苑諸璫

恥於不自己出思所以勝之遂以黃草布剪縷加之

點染與竹無異凡兩日百盞已進御矣

姜夔觀燈口號世間形象

盡成燈烘火旋紗巧思生列肆又多看不遍遊人一
一把燈行市樓歌鼓太誼譁燈若連珠照萬家太守
令嚴君莫舞遊人空帶玉梅花遊人總戴孟家蟬爭
托星毬萬眼圓開裏傳呼大官過後車多少盡嬋娟
花帽籠頭幾歲兒女兒學着內人衣燈前月下無歸
路不到天明亦不歸好燈須買不論錢別有琉璃價
百千都下貴人多預賞買時長在一陽前珠絡琉璃
到地垂鳳頭銜帶玉交枝君王不賞無人進天竺堂
深夜雨時紛紛鐵馬小回旋幻出曹公大戰年若使
英雄知底事不教兒女戲燈前貴客鉤簾看御街市
中珍品一時來簾前花架無行路不得金錢不肯回
修內司人偏戲鼓鞞宮營裏獨燒燈春風到處皆君
賜金柳絲絲滿鳳城正好嬉遊天作魔翠裙無
柰雨沾何御街暗裏無燈火處處但聞樓上歌

西湖志

卷四

外紀一

三七

尊生八牋杭人三月上踏青鞵

南史褚欣遠錢塘人善模書宋文帝云天下有五絕而
皆出錢塘謂杜道鞠彈碁范悅詩欣遠模書褚頴圍
碁徐道度療疾也

楓窗小牘余向從汴中得見錢武肅王鐵券其文曰維

乾寧四年歲次丁巳八月甲辰朔四日丁未皇帝若

曰咨爾鎮海鎮東等軍節度浙江東西等道觀察處

置營田招討等使兼兩浙鹽鐵制置發運等使開府

儀同三司檢校太尉兼中書令持節潤越等州刺史

上柱國彭城郡王食邑五千戶實封一百戶錢鏐朕
聞銘鄧隲之勲言垂漢典載孔悝之德事美魯經則
知褒德策勲古今一致頃者董昌僭偽爲昏鏡水狂
謀惡迹漸染齊人爾能披攘兇渠盪定江表忠以衛
社稷惠以福生靈其機也氛祲清其化也疲羸泰拯
於越於塗炭之上師無私焉保餘杭於金湯之固政
有經矣志獎王室績冠侯藩溢於旂常流在丹素雖
鍾繇刊五熟之釜竇憲勒燕然之山未足顯功抑有
異數是用錫其金板申以誓詞長河有似帶之期秦

西湖志

卷四七

外紀一

三

華有如拳之日惟我念功之旨永將延祚子孫使卿
長襲寵榮克保富貴卿恕九死子孫三死或犯常刑
有司不得加責承我信誓往惟欽哉宣付史館頒於
天下賫券中使則焦楚鎧也

楓窗小牘頃從臨安見石晉授文穆王玉冊文曰維天
福八年歲次癸卯十月丙午朔六日辛亥皇帝若曰
在天成象拱辰分將相之星惟帝念功啓土列侯王
之國朕所以法昊穹而光宅稽典禮以疏封而况世
著大勲時推令器探寶符而嗣位仗金鉞以宣威羽

翼大朝藩籬東夏宜列諸侯之上特隆一字之封簡
自朕心叶於輿論咨爾保邦宣化忠正翊戴功臣起
復鎮國大將軍右金吾衛上將軍員外置同正員檢
校太師兼中書令杭州越州大都督充鎮海鎮東等
軍節度浙江東西等道管內觀察處置兼兩浙鹽鐵
制置發運營田等使上柱國吳越國王食邑一萬七
千戶實封四千戶錢佐爲時之瑞命世而生負經文
緯武之才蘊開物成務之志英華發外精義入神亞
夫繼社稷之勲顧榮擅東南之美眷言祖考志奉國

朝清吳越之士疆執桓文之弓矢天資厥德代有其
人荷基構以克家事梯航而述職殊庸斯在信史有
光是舉彝章爰行盛典土茅符節方推翼世之資徽
冕輅車更重榮勲之禮斯爲異數允屬眞王今遣光
祿大夫檢校司徒行太子賓客上柱國太原縣開國
男食邑三百戶王琰使副正議大夫行尚書吏部郎
中柱國賜紫金魚袋趙熙等持節備禮冊爾爲吳越
國王周寵元臣四履錫命漢封異姓八國始王指河
岳以誓功俾子孫而襲爵爾纂服舊業朕考稽前文

勿忘必復之言更廣無窮之祚懋昭前烈爾惟欽哉
西湖遊覽志錢氏鐵券玉冊國除日進內帑宋季兵亂
券沉渭水中者五十六年元至順二年漁人獲而售
之錢氏之後居天台者曰世珪明洪武二年大封功
臣取其券以為式尋還其家高季迪為之歌云妖兒
初下含元殿天子仍居少陽院諸藩從此擁連城朝
貢皆停事攻戰岐王已去梁王來長安宮闕生蒿菜
天目山前異人出金戈雙舉風煙開羅平惡鳥鳴初
起犀弩三千射潮水歸來父老拜旌旂釀酒搃牛宴

西湖志

卷四十七 外紀一

鄉里輕裘駿馬驕春風錦袍玉帶真英雄詔書特賜
誓終始黃金鏤字旌殊功虎符龍節彤弓矢後嗣猶
令赦三死盡言恩寵冠當時天府冊書未踰此摩挲
舊物四百年古色滿面凝蒼煙天佑宰相署名在尋
文再讀心茫然古來保族須忠節受此幾人還覆滅
王家勲業至今傳不在區區一方鐵人生富貴知幾
時泰山作礪徒相期行人曾過表忠觀風雨斲蘚埋
殘碑

夢溪筆談錢鏐為浙帥時宣州叛卒千餘人送款錢納

之用爲腹心羅隱屢諫謂敵國之人未足深信鏐不聽杭州新治城堞樓櫓旣成浙帥率僚客觀之隱指却敵樓佯爲不曉曰設此何爲帥曰君豈不知用以却敵也隱謬云審如是合宜向裡帥大笑曰本却外敵柰何向裡對曰據某所見正當向裡耳蓋指宣卒將爲敵也後帥巡衣錦城武勇指揮使徐綰許再思挾宣卒火青山鎮入攻中城賴有備綰等尋敗

武林紀事錢鏐封吳越王時工役大興士卒嗟怨或書其門曰沒了期沒了期修城才了又開池王見之書

西湖志

卷四七

外紀一

四

其下曰沒了期沒了期春衣才罷又冬衣民怨頓息青箱雜記錢武肅王諱鏐至今吳越間謂石榴爲金櫻劉家留家爲金家田家留住爲駐住

吳越備史文穆王諱元瓘字明寶武肅王第七子也母晉國昭懿太夫人陳氏唐光啓三年丁未冬十一月十有二日生於杭州之東院先是有胡僧持一玉羊大可數寸光彩異常以獻武肅王且曰得此當生貴子王果以丁未生焉

西湖遊覽志羅昭諫隱新城人博物能詩唐昭宗時遊

京師不遇歸謁武肅王辟爲錢塘令尋掌書記時錄
初授鎮海軍節度命沈崧草謝表盛稱浙西繁盛以
示隱隱曰是自賈征索也請更之乃極言兵火凋弊
有天寒而麋鹿來遊日暮而牛羊不下之語廷臣見
之曰此羅隱詞也又賀昭宗更名曄表曰左則姬昌
之半字右則虞舜之全文京師稱爲諸鎮第一云然
性傲睨探隱命物徃徃奇中故至今杭人稱前定不
爽者猶云羅隱題破也

楓窗小牘臨安有諺語凡見人不下禮呼曰強團練余

西湖志

卷四七 外紀一

四

不知其所自來後得之長老云錢氏有國時攻常州
執其團練使趙仁澤以歸見王不拜王怒命以刀抉
其口至耳丞相趙元德昭救解云此強團練宥之足
以勸忠也遂以藥敷創送歸於唐故至今以爲美諺
十國春秋林克己錢塘人忠懿王時官通儒院學士博
洽善文章宋隱士逋即其孫也

吳越備史初安仁義田頽之攻我也乃請淮帥楊行密
率兵親至攜一僧袒肩者來視王城僧曰此腰鼓城
也擊之終不可得又聞城中鼓角之聲曰錢氏子孫

皆當貴盛未可圖也乃歸

東坡志林錢塘壽禪師本北郭稅務專知官每見魚蝦輒買放生以是破家後遂盜官錢為放生之用事發坐死領赴市矣吳越錢王使人視之若悲懼如常人即殺之否則捨之禪師淡然無異也捨之遂出家幕府燕談宋張詠知杭日有沈章者訟其兄分家貲不公平撻而遣之後公過其居呼章兄顏問曰汝弟訟兄治家掌財弟幼不知家計亦何分之不平兄曰分之已均弟固爭不均公判之曰兄之族移於弟弟之

西湖志

卷四

外紀一

四

族入於兄兩家互換易之人皆歎服

清波別志工部侍郎致仕郎簡字叔廣臨安人性和易喜賓客導引服餌既老顏如丹晚即城北治園廬號武林居士資政殿學士孫公沔為守榜其所居坊曰德壽因以名其所居之橋今俗呼侍郎橋者是也輝友人郎畢晦之亦杭人或謂杭無他郎當與侍郎同譜系晦之曰我家白屋豈可妄攀華胄識者許之揮麈前錄徐五大敦立為貳卿明清偶訪之坐間問曰度今居侍郎橋何耶明清即應以仁宗朝郎簡杭州

人以工部侍郎致仕居此里人德之遂以名橋兩朝國史本傳字簡之王荆公有寄郎簡之詩敦立大喜曰博聞如此可謂俊人矣

清波別志蘇文忠公知杭州以私帑金五十兩助官緡於城中置病坊一所名安樂以僧主之三年鑿愈千人與紫衣後兩浙漕臣申請乞自今管幹病坊僧三年滿所鑿之數賜紫衣及祠部牒一道從之仍改爲安濟坊輝四十年前見祥符寺一老僧言之先師實隸安濟坊坊元在衆安橋遷於湖上亦未多年今官

西湖志

卷四

外紀一

四

府既無提督縱多生安亦無以激勸駐蹕之地理宜優異若舉行舊制推廣仁政以拯疾苦之民州縣長吏其母忽

桃源手聽東坡在錢塘時民有訴扇肆負錢二萬者逮至則曰天久雨且寒有扇莫售非不肯償也公令以扇二十來就判事筆隨意作行草及枯木竹石以付之才出門人競以千錢取一扇所持立盡遂悉償所負

西湖遊覽志

張子野居錢塘以樂府馳名人謂之張三

中謂心中事眼中淚意中人也子野曰何不目我為
張三影謂雲破月來花弄影浮萍斷處見山影隔牆
送過鞦韆影

都城紀勝柳永咏錢塘詞云參差十萬人家此元豐以
前語也今中興行都已百餘年其戶口蕃息何止百
萬餘家城之南西北三處各數十里人煙生聚市井
坊陌數日經行不盡各可比外路一小小州郡足見
行都繁盛而城中北關水門內有水數十里曰白洋
湖其富家於水次起迭塌坊十數所每所為屋千餘

西湖志

卷第七 外紀一

四十五

間小者亦數百間以寄藏都城店舖及客旅物貨四
維皆水亦可防避風燭又免盜賊甚為都城富室之
便其他州郡無此雖荆南沙市太平州黃池皆客商
所聚亦無此等坊院

西湖遊覽志周美成邦彥錢塘人博涉百家元豐初游
京師獻汴都賦神宗竒之累官徽猷閣待制提舉能
自度曲製樂府長短句詞韻清蔚名其居曰顧曲堂
其所製意難忘云衣染鶯黃愛停歌住拍勸酒持觴
低鬟蟬影動私語口脂香簷露滴竹風涼拚劇飲淋

浪夜漸深籠燈就月子細端詳知音見說無雙解移
宮換羽未怕周郎長顰知有恨貪耍不成粧些個事
惱人腸試說與何妨又恐伊尋消問息瘦減容光其
詞格大率類此

西湖志

卷四十七

外紀一

吳

西湖志卷之四十七